

### Operes co fej empresciun

Gejú n'á nia lascé da daidé chi co â creta te el. Do che ai â encunté Gejú y damané do aiüt el verc co odea endò y storpiés ea endò bogn da jí. Chisc é ma dui ejempli.

La jont damaná: „Co pó pa sozeder cösc? Chisc pó ma ester mirachi!“ Ai sâ – forsc miu co valch de nos – che i der mirachi á val' da fá con Chel Bel Dio. Mo empó ti dêi da ponsé. Ai se damaná: „Che ti dá pa l'enciaria a cösc Gejú da Nazaret da fá cöstes cosses? Al é vei, al é en “Rabbi” y al á scolari, mo chel él ince d'atri co á. Ti á forsc Chel Bel Dio dé na potesté particulara?“

Mo Gejú ne baiâ nia de Chel Bel Dio desco en maester, desco i stüdiés dla scritöra y gnanca desco i gran prei. Deache Gejú é unich. Gejú é le Fi de Dio y fej döt cösc con la potesté y l'enciaria de Chel Bel Dio. - Söes operes fej empresciun.



### Vita de ploania y de paisc

La Musiga envieia al concert sön pavilon en **jöbia ai 5 d'agost** ales 20:30.



### Enformaziuns y termins

**Ciasa de Palsa:** la Ciasa de Palsa Ojöp Freinademetz á daorí danö la bandida por chirí **en/na direttur/ia**. I recuisic por tó pert ala seleziun ciafun sön [www.ciasadepalsa.it](http://www.ciasadepalsa.it). La domanda é sen da dé jö tai ofizi dla Ciasa de Palsa anter les 12:00 dai 03 de setember. Enformaziuns, ☎ 0474 524783.

**OCIO - le dotur Aldo Marocci lascia alessi che al é demez dai 26 de iuli cina ai 6 d'agost.** Empé de el sará la doturia Arianna Pinazza t'ambulatorio a Al Plan y sará ince da ciafé al ☎ 328 1141331.

**Predicate il Vangelo, e se è proprio necessario usate anche le parole.**

*San Francesco d'Assisi*

<b>Döt le bun a:</b>	Anna Rindler, <i>San Martin</i>	* 02.08.1934
	Fonjo Willeit, <i>Maran</i>	* 02.08.1934
	Signor Heinrich Ellecosta, <i>San Ciascian</i>	* 02.08.1938
	Jan Rigo	* 03.08.1932
	Carolina Costa Ellecosta, <i>Valdaora</i>	* 04.08.1929
	Lois Trebo, <i>Badia</i>	* 04.08.1935
	y a düc chi co á santennom y complesc i agn cöst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** cina le dedemesaledema sera a Franz Rigo, ☎ 0474 500978 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



## Plata dla Ploania La Pli de Mareo Santa Maria dal Bun Consei

Ploian: Signor Klaus Sottsas  
✉ klsottsas@rolmail.net

Calogna Al Plan: ☎ 0474 501006  
Radio de Ploania: 93,00 MhZ

UNITÉ PASTORALA



**VAL BADIA**  
[www.unitepastorala.org](http://www.unitepastorala.org)

Ann B

01.08.2021 - 18. domegna ia por l'ann

n. 36

## Le pan dal ci

📖 Es 16, 2–4.12–15 | Ef 4, 17.20–24 | Jan 6, 24–35

### Dal Vangelo do San Jan:

Te chel tomp, <sup>24</sup>canche la jont á odü ch'al n'ea no Gejú, no sü discepuí sön spona dal le, s'ái sonté tles barches y é jüs tal vers de Cafárnaum a chirí Gejú. <sup>25</sup>Canche ai l'á ciafé sön l'atra spona dal le, l'ái damané: Rabbi, can este pa roé atló adalerch? <sup>26</sup>Gejú ti á respognü: Amen, amen, i ves diji: Os ne mo chiríis nia, deach'i eis odü segns, mo deach'i eis mangé de chi pans y i seis gnüs pasciüs. <sup>27</sup>Ne stede a se fá bries por la speisa co va a dezip, mo por la speisa co romagn por la vita eterna y che le Fi dal Om ves dará. Deache Idio, le Pere, l'á confermé con so sigil. <sup>28</sup>Danló l'ái damané: Ci messunse pa fá por ademplí les opres de Dio? <sup>29</sup>Gejú ti á respognü: Cösta é l'opra de Dio, ch'i cordeise te chel, ch'al á mené. <sup>30</sup>Ai ti á respognü: Ci segno fejesto pa, ch'i odunse y te cherdunse? Ci féjeste pa tö? <sup>31</sup>Nüsc peri á mangé la manna tal desert, desch'al sta scrit tla Scritöra: Pan dal ci ti ál dé por speisa. <sup>32</sup>Gejú ti á dit: Amen, amen, iu ves diji: Nia Mosé ne ves á dé le pan dal ci, mo mio Pere ves dá le der pan dal ci. <sup>33</sup>Deache le pan che Idio dá, ven jö dal ci y ti dá al monn la vita. <sup>34</sup>Sön chera l'ái perié: Dasse dagnora cösc pan! <sup>35</sup>Gejú ti á respognü; lu sun le pan dla vita; chel co ven da me n'ará mai plü fan, y chel co crei te me n'ará mai plü sei.

**I ponsun do:** Nos fajun trep por se davagné le pan da vignedé. Mo val' iade se desmonciunse che la persona adora ciamó en n'ater pan por ester encontonta: vignönn á daete en dejider co ciafa pesc ma pa Chel Bel Dio. Chiriun porchel le pan co é gnü dal Ci: Gejú Crist, nosc Signur. Por chel co l'encunta perd i bens de cösta tera söa emportanza deache al sa ch'al é val' ciamo plü d'emportant.

**I periun:** Bel Dio, ma tö pos ejaudí nosc dejider do fortuna y vita. Acompagneiesse sön le tru da te tres le pan de to Fi, co vir y regneia tl'eternité.

Vesco Wilhelm Egger "Sonntagsbibel"



📖 Letöres dla 19. domegna ia por l'ann:

1 Resc 19, 4–8 | Ef 4, 30 – 5, 2 | Jan 6, 41–51

**Edema liturgica dai 01.08. ai 08.08.2021**

<b>DOM 01.</b>	<b>18. domegna ia por l'ann dla Porziuncola</b>	<i>Alfonjo Maria da Liguori, Petrus Faber, Ulrich</i>
<b>08:30</b>	<b>gran messa</b> por dōta la ploania <b>s.m.</b> por † Carlo Ploner, Corterei	<i>oferta por la ploania</i>
<i>10 y 18</i>	<i>s.m. a Al Plan</i>	
<b>Lön 02.</b>	<i>Scebio, Petrus J. Eymard</i>	
<i>18:00</i>	<i>s.m. a Al Plan</i>	
<b>Ded 03.</b>	<i>Lidia, Benno</i>	
<b>07:30</b>	<b>s.m.</b> por † Maria Madalena Burchia ved. Ellecosta, Val/Salaronz <b>s.m.</b> por les Püres Armes	
<b>Dem 04.</b>	<i>Jan Maria Vianney (curat d'Ars), Friedrich</i>	
<b>Jöb 05.</b>	<i>Segra dla Basilica Santa Maria Maggiore, Maria dla Nei, Oswald de d'oraziun do vocaziuns</i>	
<b>→ 19:00</b>	<b>corona por perié do vocaziuns</b>	
<b>19:30</b>	<b>s.m.</b> por †† Carlo y Iudita Pedevilla, Cianoré <b>s.m.</b> por les Püres Armes	
<b>Ven 06.</b>	<b>pröm vendres - festa dla Trasfiguraziun dal Signur, Gilbert</b>	
<b>→</b>	<b>signor ploan va en vendres ai 13 d'agost a proveder</b>	
<b>→ 19:30</b>	<b>zelebrazion dla Parora de Dio</b>	
<b>Sab 07.</b>	<i>Sabeda de Santa Maria   Sixtus II y compagns, Caietan, Edmund</i>	
<b>07:30</b>	<b>s.m.</b> en onú dal Spirit Sant <b>s.m.</b> por vis y †† de Berto da Frena	
<i>18:00</i>	<i>s.m. prefestia a Al Plan</i>	
<b>DOM 08.</b>	<b>19. domegna ia por l'ann</b>	<i>Domene, Ziriach</i>
<b>08:30</b>	<b>gran messa</b> por dōta la ploania	<i>oferta por la ploania</i>
<i>10 y 18</i>	<i>s.m. a Al Plan</i>	
<b>ampola:</b>	por les families Rovara, Plans	
<b>ministronc:</b>	<ul style="list-style-type: none"> <li>• <b>dedolönesc y sabeda:</b> Isabel y Jacklyn</li> <li>• <b>jöbia y domegna:</b> Rafael y Jan</li> </ul>	
<b>i recordun:</b>	Paola Brandlechner Notburgera Kehrler ved. Zanmichieli, Ciadura	† 01.08.2018 † 02.08.2012



**Nosc pan da vignedé**


Mio Pere,  
damo encö le pan da vignedé.  
Mo ma cösc su ne basta nia.  
Damo n cör encontont,  
con ci che te m'as dé  
y te mo das te to amur.

Ciamó deplü:  
n'oste nia mo dé mans,  
co partesc le pan da vignedé  
con chi co n'á nia da mangé?

da "Parores por vigni momënt"



**I ponsun con le Vangelo** (Jan 6, 24-35)



- 1> Canch'ai l'â ciagé sön l'atra ... dal le
- 2> mo deach'i eis mangé de chi ...
- 3> mo por la speisa co romagn por la vita ...
- 4> Ci segno fejesto pa, ch'i odunse y te ...
- 5> Nüsc peri á mangé la ... tal desert
- 6> Ci messunse pa fá por ... les opres de Dio?
- 7> mio Pere ves dá le der pan dal ...
- 8> lu sun le pan dla ...

